

БИККЕ САМҒА – СТУДЕНТ!

Әл-Фараби атындағы Қазақ Ұлттық Университетінің 2015-2016 жылғы түлектері төрт жылдық оқуларын аяқтап, басым бөлігі магистратураға да түсті. Соның ішінде біздің студенттеріміз де баршылық. «Физика» мамандығының қазіргі таңда магистратурасында оқып жүрген, Садықов Айдар және Иманқұл Мұсат сынды студенттеріміз, оқумен қоса жұмысты да қатар алып жүр. Әрине, бұл бір қуантарлық жағдай. Енді Иманқұл Мұсаттың бір әңгімесінде жаңа жұмысы жайындағы ойын білген болатынымын. Соны айта кетсем. Бұлар тұрған мектеп, бұрыннан оқушыларға сапалы білім беріп келе жатқан Талғар қаласындағы түрік лицей-интернаты. Сондағы мектеп директоры Мұсаттың ойында ғажап бір тұлға ретінде қалыптасқаны белгілі. Ол кісі Раджабова Зулфия Исламовна. Бара сала құшағын жайып қарсы алған, ол кісінің Мұсат сөйлеу мәнеріне, адамгершілік бейнесіне жалпы адами болмысына қызыққанын айтып жүреді. Сонымен қоса, одан өзге директордың орынбасарлары Сона Вахриевна және Азат Жұмахановна және т.б. ұстаздарына дән риза. Біздің студенттеріміз осындай керемет ұйымшыл ортада жұмыс жасап жүргеніне тек қуанамыз.

Қазіргі таңда бұл студенттердің бірі, докторантурада оқып жатса, енді бірі Германияда өз білімін жалғауда. Бізден түлеп ұшқан студенттердің осылай жағымды жаңалықтармен бөліскені бізді қуантады. Бұдан бөлек, айтар мысалдар өте көп. Қорыта келе айтпағымыз, ол кісілердің жұмысына табыс, алдағы күндеріне сәттілік тілейміз!

Ділдан Асел, Имамбеков Оңласын

ОЙЫҢДЫ ӨЗГЕРТІП, ӨМІРІҢДІ ӨЗГЕРТ

Қазіргі таңда бизнес тренинг деген курстарды табу қиындық туғызбайды. Бірақ солардың ішіндегі қайсысына барған дұрыс, қайсысы сапалы дүние шығарады. Міне, маңыздысы осы. Бүгін осыған қатысты біраз мәліметтерді сіздермен бөліскіміз келіп отыр.

Көшедегі жарнамалар, болмаса интернетке кіріп қарасаң, небір курстар көз алдыға шыға кетеді. Өзің нені таңдарыңды білмей қаласың. Оған қатысты айтылатын басты кеңес, нәтижесі дер едім. Осы курстардың ішінде «Бизнес Бастау» кәсіпкерлік мектебіне қара шаңырағымыз Қазақ Университетінен бірнеше шәкірттеріміз қатысуда. Солардың ішінде филология факультетінен Думан, механика-математика факультетінен Несібелі және өзіміздің физика-техникалық факультетінен Иманқұл Мұсат есімді студенттеріміз қатысып жатыр. Енді солардың нәтижесіне көз жүгіртпес бұрын, алдымен бұл курс жайлы айта кетсек.

«Бизнес Бастау» кәсіпкерлік мектебі, бүгінде өзіне он үшінші тобын қабылдады. Басшысы Ахметбек Нұрсила есімді кісі. Әрине, бұл курсқа қатысып бай болып кетемін деген дүние емес. Адамға бір пайыз дарын берілсе, тоқсан тоғыз еңбекпен келетіні біздің бәрімізге белгілі. Сол үшін, ондай нәтижеге қол жеткізу өзіңізге байланысты. Енді бұл кәсіпкерлік мектебі нені үйретеді? деген сұраққа келсек. Егер сіз бұл мектептің студенті болсаңыз, сізді бұл кісілер еңбекке деген құлшынысты, ерік-жігеріңізді дамытуды және өз бизнесіңізді бастауды үйретеді. Сондағы жолдардың бәрін көрсетуге тырысады. Оны одан әрі қазып, зерттеу өзіңіздің еншіңізде. Осы мектептің түлегіне айналған біздің студенттер бүгінде өз бизнестерін қосымша алып жүруде. Соның ішінде біздің шәкіртіміз Мұсат, бұл таңда өзінің жеке кәсібін хобби ретінде алып жүр. Ол кәсіп өзінің бойындағы өнерге байланысты, басқа ешқандай артық ештеңе жоқ. Бұрыннан бұл өнердің бойында барын білетін Мұсат, оны дамытуға, одан осындай бір кәсіпті бастауға «Бизнес Бастаудың» түрткі болғандығын айтады. Сол себепті, егер сіз қандай кәсіпкерлік мектепке барамын деп ойланп жүрсеңіз, еш ойланбай «Бизнес Бастауға» барыңыз. Себебі, сіз мұнда кәсіпті таңдап қана қоймай, Ахметбек ағаның кеңесін, тәжірибесін, ерік-жігер сабағын, сонымен қоса сенбі күнгі Медеуге бірге саяхатты да қызықтай аласыз.

Ералиева Ару, Имамбеков Оңласын

МЕН – ЕЛІМНІҢ ПАТРИОТЫ

«Кең дүние, төсіңді аш, мен келемін,
Алынбаған ақым бар сенде менің.
Бұйрат құмдар - бұйығып шөлдегенім,
Бура бұлттар - бусанып терлегенім.»

Мақаламды осы бір Мұқаңның керемет өлеңімен бастауды жөн көрдім. Жалпы, адам тұлға болып қалыптасуы үшін не нәрсе қажет? Мінекей, бұл маңызы бар сұрақ. Себебі, егер адам елін сүймесе, оны қадірлеп, қастер тұтпаса, онда ол қанша жерден тұлға болуға тырысса да, ол бола алмайды және оның өзгелер алдында қадірі де болмайды. Қазақ елі кең байтақ жерімен белгілі. Бірақ сол жерге аталарымыз білектің күшімен жеткенін есімізден шығармаған жөн.

Ал, бүгінгі таңдағы мәселе қайсы? Қазақ еліне, жеріне деген патриоттық сезімін қоя тұрғанда, тіпті, өз тілінде сөйлей алмайтын дәрежеге жетті. Бұның бәрі заман талабы дейміз бе? Жоқ, бұның бәрі сананың осы жаққа бұрылуында. Қазақ тілінде білмеу ұят емес, қазақ жерінде тұрып, орыс тілін-

де білмеу ұят, мінекей, осындай жағдайға келдік. Әрине, бұның бәрі қарынды аштыртады. Бірақ, амал не, көш жүре түзеледі демекші, ең алдымен, қандастарымыздың барлығына, елін, жерін, Отанын сүюді үйрете білсек, олардан нағыз патриот шығары анық. Бұған біздің қосар үлесіміз, өзіміздің қара шаңырақ Қазақ Ұлттық Университетіміздің студенттерін осы жолда, патриоттық сезімге тәрбиелеу, еліне, жеріне деген сүйіспеншілігін арттыру. Сөзімді қорыта келе, мына бір өлең жолдарымен аяқтағым келеді.

Қазақ елі, менің алтын қазынам,
Жырлатайын өзіңнің бір сазыңнан.
Қалсам егер сырқаттанып мен дағы
Таулы қырат, сол ауаңнан жазылам!
Болмасамда ақын, әнші, сазгер де
Бір сен үшін, шырқатамын жазып ән!

Жарилкасымова Салтанат,
Курманғалиева Венера

ЖАСТАР – БОЛАШАҚҚА АПАРАТЫН АЛТЫН КӨПІР



«Жастар-болашаққа апаратын алтын көпір», дейді дана халқымыз. Әрбір өскелең ұрпақ жеке қабілетіне және кәсіби біліміне сай қоғамымызда өз орнын табуы қажет. Біздің әлеуметтік-экономикалық даму жолындағы қарқынымыз, жастардың қоғамдық – саяси өмірдегі ұстанымына олардың ертеңгі күнге деген сенімі мен белсенділігіне тікелей байланысты. Ендігі кезекте тәрбие мазмұны мен жастарды тәрбиелеу ісі олардың дүниетанымын қалыптастыру және ақпараттық-саяси мәдениетін көтеруге баса көңіл аударуға тиіспіз.

Әрбір қазақ жастары өздерін ұлтжандымын деп ұғынып, өн бойларында ұлттық намысын жоғары қою керек. Еліміздің бейбітшілік аспанында қазақ жастары тәуелсіз елдің айқын мақсаттарымен жі-

герленіп, тек қана алға ұмтылуға жұмыс жасаймыз. Ел сенімін, үмітін ақтау-жастардың қолында.

Жастарға патриоттық тәрбие берудің бағдарлы идеяларын Елбасы Н.Ә.Назарбаевтың «Қазақстан – 2030» атты еңбегінің «Қазақстан мұраты» деп аталатын бөлімінде: «...біздің балаларымыз бен немерелеріміз... бабаларының игі дәстүрін сақтай отырып қазіргі заманғы нарықтық экономика жағдайында жұмыс істеуге даяр болады. Қашанда, болашағын алыстан бағамдайтын қазақ «қыстың қамын жаз ояла» демеуші ме еді... Ендеше, Қазақстанның жарқын болашағы үшін қандай да бір іс тыңдыруға міндетті екенімізді естен шығармайық! Сонымен қоса, тағы бір айта кетерлік жағдай бүгінгі таңда қара шаңырақ ҚазҰУ студенттерінен өзіміздің күтер үмітіміз орасан зор. Себебі, олардың бойындағы қайсарлықты, шабытты, ұмтылысты көргенде, осы жастар біразды таңқалдырар адам болады дейміз.

Қорыта келе, өскелең ұрпақтың бойынан жақсы қасиеттерді көре қалсақ, оның бәрі біздің көңілге үлкен сенім ұялатыр сөзсіз. Неге десеңіз? Бұл жастар біздің болашағымыз, ертеңгі ел тірегі. Сол себепті, осындай бойында қазақты рух тасып тұрған жастарды көргенде, біз келешекті жарқын елестете аламыз.

Жуванышева Ардак, Кунаков С.К.

КЕЛЕШЕК БҮГІННЕН БАСТАЛАДЫ

Қазіргі таңда қоғамда болып жатқан өзгерістер қаншама. Олардың жақсысы да, жағымсызы да жетерлік. «Сол мәселелерді бүгінгі таңда кім орын орнына қоя алады»-деген сұрақ әрбір адамның ойында жүрері хақ. Әрине, бұл сұрақтың жауабы сол өзіміздің өскелең ұрпақ, жастарымыз емеспе. Бұл тұрғыда барлық жауапкершілікті солардың мойнына жүктеу, әрине, қате ұғым. Ел үшін, қоғам үшін әрбір тұлғаның рөлі өзінше бөлек. Бірақ басым көпшілік күшті сол біздің жастарымыз алмақ. Себебі, қазіргі ғылым мен білімнің дамыған заманында заман ағынымен өсіп келе жатқан, міне, осы жастарымыз емеспе. Сол үшін біз сол жастарымызға сенеміз.

Қазіргі XXI ғасыр білімділердің ғасыры. Оны еш күмәнсіз айта аламыз. Осы тұрғыда ҚазҰУ студенттері өздерінің талпынысымен адамды қуантуда. Әрине, өзге жастарымыздың да жасап жатқан дүниелері жоқ емес. Бірақ, көз алдымызда дамып,

өсіп жатқан студенттеріміз өз бақылауымызда болғандықтан олардың орны бөлек болып тұрады екен. Жастардың білімін жетілдіру барысында университетіміз ерекше белсенділік танытуда. Жылдан-жылға түрлі бағдарламалар санын көбейтуде. Осака университеті, жалпы, қазіргі таңда әлемдегі білім беру жөнінен алдыңғы орында тұрған университеттердің бірі болып табылады. Келген оқытушылар бізге біраз мәліметтерімен бөлісті. Студенттердің міндеті, ол жақта тәжірибе алмасып, елге білімдерін одан әрі жетілдіріп оралу. Жалпы, қазіргі заманда бәсекеге қабілетті ел боламыз деген мақсат қойылса, соған сай бәсекеге қабілетті жастардың болуы міндетті деген оймен осындай біршама жобалар, бағдарламалар қара шаңырағымызда орын алуда.

Исаева Гульназ, Хасанов Манас